

蘭藻堂集卷四 吳船集

堃畝舒 瞻雲亭氏撰

上元集黃雪山莊

近郭名園傍水隈 招尋竅好上元來 梅花瘦


人格竹葉香 添惡客盃古人以不飲為惡客不盡清歡還卜

夜為抒春望 更登臺歸舟 一路隨明月 弛禁何妨

玉漏催

臨平道中

風雨臨平道 羈魂倍黯然 人家桑柘小 春水市橋



連自信忘機鳥還乘不繫船携歌就禪老一試寶
幢泉

湖上口占

扁舟乘興早出郭趁間身詎有看山約仍為蠟屐
人啼鶻三月雨飛絮一湖春歲歲東風裏曾來學
墊巾

聖因寺訪恒上人

蕭散來方外因緣問老禪湖山新雨後茶筍晚春
前初地傳三過清吟共一年遠公能愛客相與話

蟬聯

題春水船得船字

浮家合傍綠楊烟十里明湖水拍天泛月未妨驚
宿鷺乘風直欲挾飛仙窗開面面青山繞舵轉層
層碧浪圓大好春來携酒具延緣不羨總宜船

城北舟中看菜花同周穆門屬樊榭梁護林

張柳漁杭莖浦吳甌亭施竹田分韻

淺綠深黃兩岼遮一篙新漲可浮槎天桃落盡春
將晚蝴蝶尋來影自斜夕照城根荒苑路東風門

巷野人家蔬盤記取園官薦約我秋成看稻花

泛舟

裏外湖光綠透城賣錫時節過清明誰家茶筍能
留客此日鶯花尚有情十里聽風兼聽水一春宜
雨又宜晴相看不盡勾留意欲買扁舟住此生

吳興道中

雨餘春漲碧層層隔岸人家挂晚罾水送山迎三
十里菜花香裏過吳興

過碧浪湖

東西苔雪水迴環清遠吳興占此間浮玉塔前搖
櫓過一螺青處道場山

集念雲堂分體得五言小律

舊雨一尊酒春風三月花主人能愛客遊子欲忘
家且作題詩計何須問歲華

過陸氏茂修書屋

茂修書屋好寂歷似孤村晴雨春三月鶯花酒一
尊閑情同放浪僻地少塵喧自笑江關客為君賦
小園

留別武林同社諸君

去住原如寄飄飄媿此身曾携燕市酒來看武林
春杜宇不留客青山尚泥人多情湖畔水照見別
愁新

鄉國三千里春江返棹遲臨歧知己淚索和故人
詩松菊尋荒徑湖山指後期東風花信晚惆悵賦
將離

留別竹田

莫向風前折柳枝柔條原不縮相思人生難得惟

知己天下傷心是別離半載篝燈同聽雨何年把
酒更論詩西泠夜夜添新夢多在烟江月上時

城北水房送春得侵韵

歸舟恰值春歸後予於是日對此流光感倍深留
解維歸里客尚餘今夕酒看花又負一年心風過水檻添飛
絮樹接鄰園徧綠陰何日重来尋舊雨更携茶筍
續清吟

留別當湖諸人士

萍絮何須問舊因離筵開處對殘春誰言琴鶴非

蘭溪堂集 卷四
家具自喜溪山盡故人北道應牽歸客夢東風偏
上苦吟身歸舟莫笑輕如葉關吏從渠可問津
一盃濁酒幾人同往事如雲合散中鴻爪何心偏
印雪蓬根無力欲隨風鷗邊柳引春波綠花外帆
移晚照紅別後相思悵迢遞弄珠樓畔拓湖東

吳江舟中次竹田韻

闔閭城外月如烟北客曾來一泊船江上白雲猶
昨日天涯春草已經年歸途容易青山隔別緒淒
涼舊雨傳從此故人分手去悠悠前路有誰憐

雨中過虎丘

細雨斜風送客舟虎山橋外小淹留池荒春草難
求劍石滿空亭不點頭千古繁華如逝水一生踪
跡媿閑鷗何須更覓真娘墓腸斷當年十二樓

滄浪亭

滄浪亭畔水雲空暇日登臨興偶同客過尚知尋
酒地我來翻憶濯纓翁春歸芳艸垂楊外詩在青
山落照中迢遞天涯一回首舊游踪跡五湖東
許墅再別竹田

故人遠送出吳關淚洒春江碧水寒形影已憐分
去住音書猶望報平安交成知己求應少話到情
深別更難前路相思不相見斜陽芳艸自漫漫

京口夜泊懷武林同社諸君

郵籤日日促歸心朋舊相思動苦吟前路塵沙添
悵望異鄉風景怯登臨征帆漸與湖山遠別恨有
如江水深鐵甕城頭今夜月清輝應不隔知音

過揚子江

滾滾寒濤東復東海門日落晚潮紅傷心千古興

亡事都在金焦閱歷中

揚州留別魏更生

送我邗江路憐君意獨深相看成遠別握手共沾
襟聚散經年事艱難此日心離悰同逝水嗚咽為
知音

淮陰舟中留別計卜亭

相送逾千里分襟悵此時風帆兼五兩江燕去參
差夢斷聯牀話愁添錄別詩後期花信好春暖上
林枝

為施蘭垞題梅花小照

忍寒曳屐恣幽探 鄧尉峰頭路早諳 試買婵娟宿

花底先生只合住江南 時欲納姬吳門故及之

寄竹田

南北三千里 俄傳一紙書 故人欣健在 遠道話相

於炊白情何愴 宜男夢已虛 時竹田賦悼亡 予適舉一女 中年

哀樂異此意 總躊躇

題石星源畫

萬壑晴雲凝遠樹 一泓流水抱空山 此間合有幽

人住黃葉深時自掩關

收拾秋容作畫圖 烟霞結構與人殊 夢中舊識江

南路畫裏江南夢也無

哭四弟

西風吹斷雁行飛 淚洒遙天對落暉 我長十年猶

未老君先朝露竟 何歸詩吟棠棣心 空寫樂奏墳

麓願已違失恃可憐三百日 英魂依舊傍慈闈

竹田以詩見懷次韵奉答

東湖月上浸玻璃 曾倚珠樓夜笛吹 清興與君成

往迹新詩寄我有深悲三春歸棹啼鵑送千里江
雲斷雁知兩地相思應倍切涼風天末起多時
判袂何堪憶晚春將離花對別離人寒暄自致臨
歧意去住相看現在身落日西湖空白芷秋風北
道滿黃塵八行郵寄情何限每一開緘一愴神

夜坐有懷

冬夜長如晝閑齋一曲肱月光寒似水人意懶於
僧薄宦情猶累青山買未能相思隔天末岑寂對
孤燈

雪中過傳經院觀介菴上人作字兼索石星

源畫

衝寒一騎訪精藍仄徑城根路舊諳雲鶴丰標看
硯北梅花消息憶江南逢春枯木皆生意點雪紅
鑪得小叅更倩故人圖尺幅風流韻事要兼三

哭甥春泰

一夜霜風勁蘭枯益可悲生兒不見父舍母更依
誰夢去孤雲伴魂來冷月知明年新塚畔春草漸
離離

一綫孤兒脉三年婺母心提携思已往短折痛而
今碧落高難問黃泉遠莫尋渭陽情倍切為爾重
沾襟

昔曾哭爾父及爾未生初此日還悲爾傷心重感
予寒雲迷野草落日滿郊墟歲晚冰霜候年年飲
泣餘

春日偶占

二月春冰泮御河驚心歲序惜蹉跎鶯花此日看
猶少哀樂中年感已多冀北風沙終不改江南烟

水近如何臯亭山下桃千樹前度劉郎擬再過

雜感十首用高江村先生城北集中韻

寒雲漠漠樹蒼蒼回首關河路渺茫酒社重尋燕
市客詩篇還憶遠公房空因香草思南國無復萱
花壽北堂幾度憑闌餘悵望舊游踪跡在殊鄉
兩雨風風歲事徂半生清夢落江湖青衫烏帽隨
飄泊越水吳山入畫圖鞅掌一行慚作吏埋頭十
載浪為儒宦情書債都消歇剩有閑心對楚鳧
好古情懷若飲醪生涯檢點媿賢豪幾人駿馬空

求骨何日蒼鷹快解絲金屋誰家巢翡翠玉杯無
處醉葡萄蕭蕭短鬢傷遲暮不獨安仁感二毛
舊事真如印雪鴻蕭然坐對一燈紅三更丙舍聞
秋雨十月黃花卧北風杜老何曾為詩瘦阮公漫
爾說途窮升沉待向君平卜百感茫茫泡影中
虛窗面面豁幽襟吹徧南風坐鼓琴幾葉火雲猶
隔水一天明月不聞碓銅龍乍滴更籌促銀漢初
斜玉宇深寂寞壯懷無寄處但隨魚鳥共浮沉
滿院槐陰散夕暉日長無事掩荆扉分衙簇簇羣

蜂鬧掠水間閒一燕飛風外花枝紅欲墮雨餘苔
蘚綠添肥靜中何處非生意漸覺年來悟息機
廣陵城外楚江波曾泛星槎兩度過不見瓊花牽
錦纜空憐衰艸卧銅駝繁華已自當時少涕淚偏
於此地多歸路蕭條經易水悲風落日惜荆軻
賣餠絕罷近題糕春雨秋風一緼袍菊瘦偏宜三
徑晚鵬飛不礙五雲高踈鐘冷咽千門月遠夢愁
生八月濤舊好天涯成契濶索居終日守蓬蒿
金牛湖上采蓮舟暇日招携作暢遊選勝每尋岩

際寺題詩獨上水邊樓碧雲黃葉千山晚紅蓼白
蘋兩岼秋懷舊只宜謀爛醉幾番欲典鷓鴣裘
此日行藏任所如閉門吾自愛吾廬頗堪消遣林
頭酒未了因緣架上書就月清宵移枕篔簹留賓白
書剪園蔬陶籬蔣徑東林社千古高風合起予

冬日坐慈雲寺口占

七年不到慈雲寺門巷依然舊日同方丈只宜拈
白拂酒壚何處覓黃公荒嗟冬暖消殘雪古樹鴉
歸噪晚風笑我無端蕭瑟裏坐看斜照下遙空

喜晤周雪舫

宦游回首隔江干此日都門話舊歡萬里風塵凋
客鬢百年事業誤儒冠買山擬作閑居賦出塞休
歌行路難面目相看仍不改人生閱歷幾波瀾

調友人納姬

記得風流往事無殘脂剩粉委姑蘓宵來更作游
仙夢不是吳娘是固姑

豐臺道中

幽絕看花路城南尺五天小橋通活水仄徑入平

蘭溪堂集 卷四
田芳艸初經雨垂楊淡著烟詩情兼畫意收拾一尊前

懷竹田

花信風將半湖山夢正多故人千里外別緒二年
過河鯉遲音問江雲戀薜蘿結廬空有約搔首獨
悲歌

得竹田札

久別連牀話新開千里書平安差慰藉眠食近何
如杜宇春啼樹江聲夜遶廬知君時憶我北望下

階除

送別峩峰母舅

斜日下芳艸春愁不可禁風塵前路遠烟樹望中
深未即羈孤感先縈去住心千秋渭陽意難解是
分襟

訪蔣耦漁坐齋中即事

春晚餘寒尚撲衣一鞭乘興過林扉花濃小院香
三徑樹滿空亭綠四圍坐久不知誰是主情深相
對已忘機還家直待黃昏後籠月當頭送我歸

訪申笏山

絲絲垂柳玉河隄
雨濕香塵未作泥
為憶故人茶話好
城東走馬到城西

有感

春愁撩亂我何堪
腸斷東風冷玉簪
石上題名人不見
畫簾微雨夢江南

寄樊榭

騷雅唯君是我師
白頭每惜一官遲
如何宣室求賢日
恰值山陰返棹時
秋水蒹葭牽舊夢
春風楊柳入新詩

歸帆不及重携手
冷落天涯別酒卮

同人餞沈歸愚侍郎分得句字

春草春波春又暮
驪歌一曲當筵度
至尊特重

老詩翁七十懸車
撰杖屨憶昔霓裳咏
大羅姓名

仙籍還堪數三年
鴻爪異東西一笑重
逢話情悽

予出宰浙西子雲亭館得追尋
應許問竒携酒具

如何忽賦歸去來
鄉心已返江南路
天子親裁

祖道詩都人競覓
青門句橐中幾卷石
渠書載上

吳船問歸渡東武
山中記昔遊白頭指
點經行處

香雪層堆鄧尉花銀濤倒浸靈巖樹天隨村外半
烟蘿石湖池上多鷗鷺公歸趁趁信江風一船蝦
菜留人住支分茶竈與書牀達官况味仍寒素泉
石天教作主持人材誰不歸陶鑄主恩高厚一
身閑直令千古驚榮遇唯予相別輒相思關河無
那馬蹄阻夜深還望老人星百丈光芒斗南駐

出都二首

還家如作客小住未三年又問江南路重呼渡口
船谿山真有約鷗鷺定相憐極目河橋柳絲絲繫

晚烟

鄉土難輕去風塵易遠行離悰燕市酒別夢越州
程燕影風帆落河流草樹晴不須愁叱馭書卷一
舟輕

通州道中

斜日踈烟過雨天柳陰夾道遞鳴蟬一行又是江
南路雲外遙遙指玉鞭

將至張灣口占

高柳依依夕照亂鴉點點孤村遊子未投村店居

人欲掩衡門

張灣解維留別三弟

潞河漲後水平隄解纜張灣日欲西極目雲天悲
斷雁連林風雨憶鳴雞高堂甘旨勞君奉薄宦生
涯媿我羈此去江南逢驛使八行書寄兩行啼

宿灤縣

灤縣維舟宿郵籤第一程傷心今夜月不似故園
明

舟過天齊廟有感

輕舟向晚泊沙堤古寺重尋堊岫西五十年深遺
澤在廟為先大三千路遠旅懷悽塵昏古殿懸蛛
網月落荒寮刺鳥啼往事不堪回首問燕雲吳樹
半淒迷

舟過蔡村作

望中雲樹指津門清曉揚帆過蔡村兩岸水聲流
夜雨一天爽氣上朝暎風來遠浦聞漁笛艸長沿
河沒燒痕南北故人都契闊滿懷詩思共誰論

舟中對月

一片金波照水明
柁樓閑倚入深更
風生漸覺荷衣薄
露滴方知夜氣清
燈火隔林時隱見
烏鴉匝樹亂飛鳴
徘徊忽下思鄉淚
回首白雲是帝京

過津門訪查蓮坡居士

烟波深處識天津
小泊蘭橈問隱淪
笑我能為不速客
與君同是久要人
交成萍水緣非偶
道在詩書味自親
從此悠悠南北路
相思千里託鴻鱗

贈蓮坡居士兼誌別懷

藉甚查居士清才
與俗殊間行吟抱甕雅席坐圍

鑪花影看逾好山遊興不孤

抱甕圍鑪花影山水游皆居士詩集名

西莊外路別夢繞菰蘆

微雨過楊柳青舟中偶占

昨日桃花口今朝楊柳青春光都過眼
客意自揚舲水氣連雲暗魚風帶雨腥
推篷聊極目平野入滄溟

靜海縣訪聶長人同年坐齋中話別

繫纜俯城根步屨得延企
焦先蝸牛廬中乃富圖
史執手略寒暄並坐秋聲裏
吾儕不羈者折腰亦

爾爾微名誤雞肋歲月凋弱齒况乃塵埃間終日
親糲箠敢希林下游頗得濠上旨暮色忽催人炊
烟蔽村市憐余迫官程帆影已東指離心重躊躕
相思賦蘭芷

野泊

荻葦蕭蕭野岼秋滿天風雨客停舟鄉心一夜隨
流水不到都門不轉頭

兩夜有感

雨打篷窗夢不成一燈影照入三更無端感起當

年事倍覺難消此夜情冀北新添埋玉恨江南舊
有惜花名孤懷寂歷腸應斷忍聽河流嗚咽聲

重泊德州

城郭斜陽裏人烟古渡頭天涯憐薄宦吾意愛新
秋木葉偶然落風蟬未肯休呼童沽魯酒暫爾浣
鄉愁

途中偶占

柳陰深處挂魚罾茆屋人家隔楚塍彷彿采菱溪
上路秋風記得昔游曾

咏蓼花

綠葉翻新艷紅英
鬥晚芳遠灘連野
燒古渡亂斜陽
雅與菰蒲稱偏宜
風露涼石湖詩句
好身在白鷗鄉

過夾馬營

顯德以來神器移
周家日月存干支
堂堂真人來涿鹿
殿上誰識龍鸞姿
當其被酒返華下
朗吟曉日語何奇
滄海縱不辨遠近
中天早已瞻光儀
禁林羽士呼萬歲
陳橋之役非人為
千秋盛事在史

冊詎止里號香孩兒
豪傑命世事不偶
未許道路常人窺
時際五季困鋒鏑
紛紛赤子皆瘡痍
黃鉞所指櫓槍墮
削平天下垂鴻規
傳十六主三百載
聖唐神漢相肩隨
我過大河緬陳迹
山川依舊人代非
樵童指說迷處所
夕陽一片明蒿藜
渡江還問冬青樹
麥飯年年野老悲

舟中雨望

空濛四野水連天
風雨瀟瀟送客船
遠浦斷雲隨去鳥
沿隄踈柳咽鳴蟬
行看蓑笠人如畫
坐守蓬

窗日似年向晚欲尋停泊地河流曲處起炊烟

武城縣

久慕絃歌化新來禮樂鄉桑麻今雨露風俗古淳
良小邑偏秋色孤村易夕陽無緣薦蘋藻躡履想
登堂

雨後舟次

急雨收殘暑斜陽照淺莎岸平秋水闊木落野風
多官跡隨舟楫山心戀薜蘿白雲回首處千里隔
關河

河邊野寺小憇

繫艇投蕭寺幽尋暫避喧白雲生檻外流水抱墻
根樹密疑無路花香直到門坐來多野趣得意自
忘言

南陽

路過南陽鎮舟行浩渺間連天都是水隔岸不多
山釣艇夕陽外人家古樹灣匆匆游宦意輸與白
鷗閒

夏鎮湖遠眺

蘭溪堂集 卷四
湖水空濛欲拍隄湖山一帶綠參差此間容我移
家住便署頭銜作釣師

偶占

郎自愛荷花儂自愛蓮子子中藏苦心花落隨流
水
郎在上灘住儂家住下灘風帆期順利來易去時
難

露筋祠

何代無名氏遺祠表露筋一宵貞苦節千古見完

庭新
人斷碣埋蒼蘚清風散白蘋
我來憑弔處秋色滿

吳門東沈歸愚同年

自遣長鬚致短箋葑溪問訊地行仙
故人欲識征人况多病全家住一船

舟過阜林

阜林百戰地薄宦兩番游
我自慚新政人猶識故
侯日斜村市散雨過埜塘秋
望裏烟波好無緣更
泊舟

蘭藻堂集 卷四
二
擬和秋分日湖上送燕之作

漸覺秋光老先憐燕子歸湖山猶戀別夕照暫相
依畫棟春泥冷遙天斷影飛賓鴻來計日幾處稻
梁肥

病中過聖因寺呈恒上人

暮秋天氣喜初晴清曉籃輿出郭行禮法漸踈緣
病久湖山如故覺情生三年不到青蓮社半日重
尋白鷺盟倘許烟霞留我住瓣香杯茗足前程

蘭藻堂集卷四終

蘭藻堂集卷五

越吟

苧畝舒 瞻雲亭氏撰

將之山陰留別都門諸同人

一行又買浙江船
潮落潮生來去緣
身外功名聊爾爾
夢中烟樹已年年
亭尋逸少流觴處
簾卷長康細草邊
回首故人增悵望
鳳凰城隔九重天
落月旗亭酒一卮
聽殘街鼓意遲遲
無多親友重傷別
不盡關山更遠思
崑壑只應容吏隱
簿書深恐負心期
放衙正是懷人候
金粟香中獨詠詩

蘭溪集 卷五
九日蘭渚道中

巖壑恣幽討，閑情半日賒。
風流非晉代，節物尚黃
花。溪水山根曲，僧房竹
影遮。涼飈引歸騎，一任
帽簷斜。

游蘭亭過天章寺次竹田韻

黃花時節屆初寒，選勝登臨興未闌。
荒徑不妨連騎過，崇山恰待入秋看。
偶分香飯來蕭寺，祇有閑鷗識長官。
此度清游應記取，新詩題徧碧琅玕。

輓蓮坡

風雅論交意轉親，水西莊與白鷗隣。
誰教燕市秋前別，頓作山陽笛裏人。
識面此生終恨晚，過車他日倍含辛。
官程回首烟波闊，酒地詩場記舊因。

和杜補堂太守秋禊元韻

選勝登高得暫閑，雙旌還駐古亭灣。
萬竿修竹多臨水，四面秋陰不罨山。
晉代風流如可挹，禊堂遺跡未全刪。
陪遊賓從皆英妙，彷彿南樓嘯咏間。

花塢莊道中

意行隨遠近，漸覺入山深。
即此異人境，自然生野

心溪流不通
楫嵐影易成陰
何處聞疎籟
微風動竹林

古栢嶺晚眺

路轉羣峰頂
憑虛四望通
亂鴉啼落日
敗葉戰西風
秋色紛難狀
山心許暫同
鄉書悵迢遞
天際待征鴻

喜魏更生渡江見訪

扁舟逾信宿
為我問錢江路
指山城近人
隨雁影雙挑
燈談舊事聽
雨坐寒窗
魄壘知消盡
新篔簹

玉缸

送更生還桐溪次竹田韻

夜雨江城繫
短篷官齋燒燭酒
尊同愁涯已類
搬薑鼠宦轍誰
憐印雪鴻咲語
倍親緣別久
田園無恙識
年豐君歸莫作
浮家計小築
重開一畝宮

立冬前一日登龍山次竹田韻

卧龍高百尺
登眺足清娛
北望千山遠
南飛一雁孤
新霜明浦樹
衰艸滿寒蕪
為有豐年慶
村村賽越巫

由蘭亭詣南鎮謁禹陵一宿始還

川程經宿供往還一官已販雲壑間乍來越縣如
舊識山靈為我清塵顏風驅霜葉露崖窾團團碧
玉無瑕癥造物於人有新貺故乞好句雕堅頑蘭
渚溪流更清駛夾岬十萬青琅玕烏篷小舫小于
蚌詰曲沙石明淙潺捫蘿拾級踰嶺脊少投林隙
聊盤桓靈宮戔戔香火闕三公視秩禮不刊陰岨
如聞鬼神入白晝俯聽笙簫寒更紆數里尋禹跡
森森橘柚丹黃斑江河萬古頌明德穹碑蘚蝕蚪

斗殘我來瞻拜當落日微茫海色浮羣山心戀竒
景不能置上界鸞鳳無由攀中年竊祿守吏局一
椽天許家其間西湖上人惠崇輩徃徃清機流素
紉大幅渲染倘不惜扁舟寫我耶溪灣

龍山雨望

直上龍山頂憑高望易迷雲昏江路斷水漲野橋
低寒雁濕無次炊烟晚不齊關心問禾黍蓑笠滿
前隄

為商寶意司馬題樵風涇圖

一帆趁樵風問訊剡中道因緣迫官程游歷豁懷
抱到眼千萬峰黛色呈清曉斷岬石橋低清江田
舍小此間洵樂土豐歲飽魚稻先生玉堂仙風雅
自騫矯如何去承明一麾出江表鄉心寄畫圖白
首吟未了神仙事有無烟波空浩渺何年置漁磯
開尊坐洲島相從已苦遲此意盟沙鳥

題課子圖

一曲烟波五畝居秋光窈好下簾初漫教兒輩知
行樂未有神仙不讀書謝氏曾聞誇玉樹韓公底

事艷金魚他時接武窺中秘會見青藜動綺疏

題幽篁獨坐圖

此境何幽靚瀟湘夢見之壓欄春雨重傍砌晚陰
移似讀真堂記宜彈太古詞迥然聞嘯旨鸞鶴定
相期

越王祠

越王祠畔俯寒流落木蕭蕭不勝愁一代君臣真
戮力十年薪膽為色羞紅顏傾國人何在白馬乘
潮怒未休如此江山坐消歇霸圖寂莫付閑鷗

官舍夜坐有懷

江村倦聽擣衣砧
梧竹蕭騷暮色沉
寒雁不傳千里信
時家書久不至
鄉愁并入五更心
清尊款款思吳語
殘燭迢迢動越吟
解帶支頤還一咲
幾時漁釣共招尋

題陳氏紫薇堂牡丹

星槎萬里接崑崙
携得春風返故園
卯酒乍酣花影重
午烟微暝日華溫
一枝天許留清白
幾世人看長子孫
多少平泉開州水
可能雨露占芳根

冬日江上雜述和竹田

剡曲烟波路早諳
朅來看徧越山嵐
殘書遮眼讀八九
舊雨關心數再三
吟社久虛千里約
頭銜仍抱一官慙
輸君詩律縱橫甚
萬首應知壓劔南
檢校殘年事事清
黃梅花下樹吟旌
曾携短艇泛湖去
纔見青山寬句成
顧影已憐同候雁
解頤偶爾為香航
搖丸弄矢真何術
未必塵埃有古生
潦倒何人薦子虛
杜陵多病廢晨梳
憐予三載羈京洛
誤爾雙魚有報書
薄宦此番真意外
扁舟原

約在秋餘剡川一曲從君乞便擬全家狎老漁
詞塲三載共扶輪相顧依然簿領身但許灤濱呼
浪士絕勝劍外號官人明珠翠羽終思洛漁父桃
源漫憶秦香爇酒闌猶不寐恐寒重裹鹿皮巾

戢山謁劉念臺先生祠

一峯何亭亭背城面清渚遺跡千載遙猶傳采戢
處誰于榛莽中數椽闢幽墅中有證人社生徒以
時聚前明板蕩餘黨禍難悉數少師寔清流經術
通時務矢志為夔龍救時心獨苦終焉卧滄海白

首尋道味饒州扇清風戢山緬徃路至今名教地
絃誦峇風雨予生百年後辨香動遐慕所媿簿領
身天機汨塵土祇知誦遺書講席如晤語留連采
戢齋匏尊酌芳醕

輓穆門先生

小別逾三載生涯類轉蓬溪山迎舊吏書札荷衰
翁秋間辱以詩札見寄伏枕清江上歸魂短棹中交情媿徐
穉揮涕向西風

冬日集瓶花齋分韻

高館三秋別清吟竟日綠燈花開酒畔春意到梅
邊仄徑封霜蘚踈簾颺夕烟石欄看點筆回首失

華顛

謂穆門先生

小除日送竹田歸里

已覺難為抱何堪又送君鄉園百里近驛路一江
分臘酒梅花熟春燈爆竹聞殘年惆悵意不是惜
離羣

立春

故事東郊外勾芒迓令辰冰霜寒送臘節物曉班

春皂盖喧羣吏銀幡咲鈍人辛盤非子舍慚愧官
游身

有感

綺窓消息久茫然越樹燕雲各一天啼鳥落花春
隔世畫簾微雨夢經年難忘擁髻燈前語何處題
名石上鐫辜負多情明月影夜深還過枕函邊

環翠寺

古寺環新翠閒僧住白雲市聲隔浦斷野色過橋
分春淺寒仍在山多日易曛勞人容小憇直欲洗

塵氛

郊行有感

放眼睛郊景物新
平疇過雨淨無塵
馳驅未了公家事
雲水偏供簿領身
千里關河愁脉脉
中年哀樂感頻頻
隨時領略蕭閒味
莫使青山冷笑人

落花

為惜繁華取易徂
年年心事惱狂夫
清明上巳闌珊過
禪榻茶烟料理無
牆外亂隨流水去
枝頭不待杜鵑呼
多情欲倩徐黃筆
補寫春風沒骨圖

送恒上人住乾峰

住錫知何處
群峰到眼開
亂雲迷野徑
老樹長新苔
路轉層霄上
人隨細雨來
林端聞梵唄
咫尺是蓮臺

喜甌亭見訪山陰署齋分韻

江花江草寂相思
舊雨能來判酒卮
短棹獨尋蘭上里
暮春應續禊堂詩
午餘啼鳥烟林靜
閣外晴雲洞壑竒
直得東游風景好
石泉新試焙茶時

諸暨

蘭溪堂集 卷五
乍識楓橋路偏驚過客魂亂雲埋虎跡健水嚙山
根野店春無酒人家晝掩門前峰好眉黛應似苧
蘿村

錢清江

自咲滄江吏頻為出郭行連嗟芳艸綠短楫野鳧
輕風物供于役塵埃負此生踟躕懷古意遺跡問
錢清

三月晦日送春同竹田作

過眼鶯花老驚心物候新那堪千里客又送一年

春酒殘難消夜鐘聲欲喚人曉看游冶處香冷陌
頭塵

首夏竹田偕友游吼山予以事不赴

故人愛餘春招客泛短艇逶迤城東隅一水挹淶
淨乍轉峰忽迎屢折途愈永訝然見洞門窈窕得
竒境雲竇瀉清流春潭開霽景憑闌數游儵置酒
選幽磴僧房若浮舫廊檻皆倒暎清宜弄素琴潔
可烹新茗寬句忘日晡詠歸有餘興我無山水緣
一身困簿領三復記游詩頓覺俗慮屏行當續後

游漁釣追公等

雨中喜恒上人見訪

荒涼官舍閱春陰幾樹松杉綠影沉飛錫客從方
外至卧龍山向雨中深園蔬籬笋皆清供孤鶴閑
雲共此心他日紫桑容載酒青蓮社裏重追尋

為于耐圃學使悼亡

古調初彈別鵠吟妝樓人去惜知音青天碧海途
何遠落葉哀蟬感自深墜粉未銷湘簟冷斷釵猶
挂井梧陰玉堂修史渾閑事難燭憑誰伴藁砧

女宗南國已無倫雲際何緣鶴馭新明月尚聞瑤
瑟怨飛花空澹鏡奩塵寂憐元相營齋日無復梁
谿舉案人從此春風展圖畫海山樓閣易傷神

初夏喜龍威大醇過訪分韻

江城風物正清和聯袂欣看二妙過
雙鬢塵沙疎
夢遠時大醇歸自京師五湖舟楫故人多
入天碧篠分吟
席拂檻晴雲滿
阿更約挑燈同夜話
官情旅思較如何

剡溪懷古

蘭溪堂集 卷五 二
冥冥江上舟晶晶川中樹緬想幽人居雨雪斷行
路清言未相接佳踐亦云暮但為名山游偶盡芳
尊趣至今千載餘即事動遐慕矧余羈官程移情
託鷗鷺陳迹堪重尋清溪涉匪誤迢迢復迢迢寒
笛響烟戍

涼隨蓮葉雨

何處烟波好扁舟傍渚蓮白翻清露後紅潤曉涼
前烟鏡看逾淨雲鬟醉忽偏賀家湖上客秋思自
年年

梅雨洒芳田

荷鋤南畝上時節近黃梅已聽林鳩語尤煩布穀
催涼暄隨候改阡陌傍廬開高嶺明飛電清飈卷
宿埃新膏滋地脉餘潤及莓苔幕屋墟烟外空濛
野岼隈千村含帝澤萬井護田垓倘許携經去青
蓑喜暫陪

青山五月自生寒

蒼然黛色出林坳東嶺西龕得屢經遠樹似皴雲
氣白涼烟不散佛螺青時聞雷雨生長夏未怯高

寒倚畫屏疑是謝公携屐處
數聲樵唱晚來聽

絃上薰風識舜心

古器猶含太古音
試從絃上悟高深
白雲片片鶴
渡舞幽澗時時龍
一吟和氣直教天地合
元聲不向海山尋
松風閑引朱絲靜
午篆濃移玉殿沉
但使阜財能解愠
誰知應指自傳心
譜餘響已殊清
瑟彈處人疑入絳林
寂寂神明栖素匣
泠泠爽籟動虛襟
千秋會得虞廷意想見
披衣坐撫琴

奉酬于耐圃學使見贈詩扇元韵

高嶺攀幽桂
澄波採白蓮
自居林卉外
得貢玉堂前
清節冰壺重
微吟樺燭偏
通家感元禮
款款話當年

送耐圃學使還杭州

輶車相送度烟垌
于越溪山次第經
得士已收東箭美
著書猶擁一黏青
早聞家世多威鳳
定有詩名上御屏
簿領塵埃媿淹泊
清音暫向郢中聽

調甌亭

瑤瑟彈時暮
兩聞單衾幾度賦
行雲定知狂客心

情減乞與吳興懺悔文

銀燭清尊興尚偏相逢惆悵說華年柳花飛盡東風裏又破參寥定後禪

墨汀訪徐笠山先生

百里秋江畫不如西風荻葦影蕭疎高人卜築依雲壑下吏馳驅畏簡書兩岼青山新雨後半林紅葉曉霜初偷閑得遂過從約載酒還來問起居

花街道中

一雨羣峰綠登臨適楚情嶺雲寒不散澗水晚逾

清竹裏茆檐小山根樹影平田家勤力作蓑笠事春耕

渡曹娥江

客裏重為客虞封路乍經波澄千頃碧山擁四圍青漢碣知何處江聲不可聽故鄉回望遠七十五長亭

闡中呈裘漫士同年四首

烟波行李各飄然交臂郵亭憶去年竹簟暑風鄉夢遠南帆北馬客途偏使星忽傍秋河轉尺素多

憑舊雨傳此日合并真意外塵沙渡髻路三千
秘閣論思日未西退朝應自戀幽棲玉驄但向花
邊度翠墨長從竹上題久擅才華通紫禁新承綸
綽下丹梯白袍鵠立知多少一夕清光看聚奎
頻年踪跡混塵埃媿向閑鷗說再來瘦策想携烟
際寺秋燈喜共故人杯詩書白首欣同調簪組他
鄉得暫陪拄笏支頤緣底事平生懷抱為君開
垂垂金粟散天香食葉聲中秋漏長豈有人才遺
李廌却因座主得歐陽同年不隔雲霄上舊籍猶

思鷓鷯行萬壑千崑前約在定携佳句滿奚囊

姚江訪張明府

百里句餘道清冬縱目遙孤城連井舍小市混漁
樵客夢隨明月舟行趁晚潮故人官閣近樽酒待
相招

謝花橋小憇

謝花橋外路十五里青山野水春逾淨孤雲晚自
閑偶然紆官轍未得叩禪關離乾峰寺不遠蠟屐行吟好
尋幽欲忘還

沈歸愚同年游天台枉顧山陰署齋

春來曾結看山緣風雨鶯花興尚牽恰恰萍踪一
年別渡江難問子猷船

俗吏真慚困簿書頭銜羨煞石湖漁詩名官職尋
常事持較先生兩不如

神仙原住水雲鄉又榮紅藤過石梁畢竟輸寥館
中客烟霞收拾滿歸囊

倔强誰如韓退之華山痛哭又奚為青鞋踏徧天
台路如此老翁真大奇

此夕官齋語倍親襟期如水鬢如銀猶嫌白傳為
情累鍾乳區區更乞人

白髮詩翁感遇深春來南望翠華臨似聞天上
垂清問香雪堆中待苦吟

乞得閑身買釣竿文章宗匠舊春官游踪細向鄰
翁說玉室金堂次第看

清尊相送越溪頭黃菊丹楓作好秋一路江南圖
畫裏卧看山色在行舟

喜晤松亭二弟

蘭溪堂集 卷五
春來風雨愴離魂千里江關望眼昏何幸原鴿來
越角便隨樵燕到吳門他鄉晤對天倫樂半月淹
留 聖主恩獨媿微官虛子職勞君菽水奉饗殮

雲林寺候 駕

三春風景正芳菲一徑盤雲入翠微野鳥喜迎
仙仗轉林花時惹 御香飛流泉斷竹通茶竈古
洞蒼苔護佛衣此日 宸游邀睿藻名山千載有
恩輝

南山

境僻行人少輕鞭信馬過路懸天上細溪漲雨餘
多野鳥啼僧舍飛花罨女蘿東臯正閑暇清坐話
巖阿

雲栖道中

仄徑崎嶇過梵村行從山頂又山根不須更問雲
栖路數盡修篁見寺門

洗心亭

萬个修篁覆一亭碧欄杆外水初平客來只訝綠
陰滿坐久不知春晝晴

六和塔

塔影連青漢江聲檻外流
畫圖開遠嶂天地見飛
鷗暫與煩囂遠真同造化游
幾年塵土裏披豁散
吟愁

胥江舟次與松亭二弟話別

中歲團藥意離杯不忍持
銷魂吳苑樹聽雨韋郎
詩歸夢青山隔鄉心旅雁知
片帆相望處別淚滿
江湄

虎丘

二月東風晚尋芳過虎丘
鶯花成獨客絲竹寫春
愁小市青山畔垂楊野水頭
閑情真艸草長觸在
歸舟

車溪道中

飄穩知風正舟輕覺岬低
菜花黃夾路春水綠平
堤喚雨林鳩集催耕布穀啼
一身圖畫裏百里過
車溪

夏日游金鼓無門諸洞作

曲磴支筇上瀟瀟萬竹聲
獨携茶器去坐對石泉

清梵木陰陰合晴雲冉冉生林栖吾所慕何日謝
塵纓

老禪歸隱後復此縛茆扃雲霧沾衣冷蛟螭帶雨
腥泉華喧戶牖石氣變丹青緬想無言旨鐘聲動
杳冥

蘭渚歸舟有懷竹田

下塘烏篷船夾岍青菰兩風景曾不殊佳人渺何
許空將昨夢尋未對一尊語沉沉鷗鳧間離心滿
烟渚

阮江道中

十里波光一鏡平青山缺處放船行人家大半修
篁裏隔岍唯聞雞犬聲

送沈梅川同年之德興任

握手情何極頭銜咲一官休嫌簿領重轉覺別離
難野戍烟江暮飛花驛路寒長歌意不盡千里望
漫漫

顧我仍為客因君又送行東風催節物遠道問江
城里俗租庸薄詩書况味清由來循吏意悃幅是

平生

讀香山詩有感

兩度溪山咲寓公情懷銷耗簿書散宦游何者平生事吟罷香山七字中

碧山草堂椽筆歌

睡菴老人清且賢逸情古思何聯綿支離俗藝非所好祇愛作書如米顛平公石硯磨幾穴公孫布被畫每穿墨池盡黑筆屢秃柳州嗜好何其專平生大字尤怪偉攢擘似有蛟螭纏曾於天竺見突

兀五字括盡空門禪塗金嵌壁屹相向晶芒爍破春山烟林猿偷看屢躡月野鶴貪晚忘冲天走觀遠邇嘆希有時有過客來黃緣至今鉅管弄賢裔伏臘必陳同豆籩一門傳寶已五世長物閱人將百年文林久與比刀稍武庫莫漫誇戈鋌豈唯諸葛詫奇製就令墜帚難比肩碧山艸堂夜置酒再拜請作大筆篇滿堂相看亦動色且輟脆竹傳繁絃如椽之喻詎云妄卓然真見尖圓全貯雲含霧氣偉岼纏臬納漆形精堅王家夢裏終幻相未若

此管時堪摹想當老人初把握神閑志定獲袖揜
胸中結搆了已具醉目那有十丈箋濃濡飽染快
鉤勒猱龍跳躍猛虎眠淋漓跌宕定叫絕瀟洒豈
亞書中仙龜山安足稱第一蕭字那能直百千我
生作字腕有鬼撮襟運帚難回旋唯當吟際頗傲
兀興來欲蹋華山巔思携此管共登歷閱覽物象
窮雕鏤詩成峭壁用之寫華壯字大山蒼然君不
見東雲作筆天作紙放翁之句人爭傳

喜雪舫自塞上蒙 恩免歸賦此代東

經年別緒兩難堪聞道明湖快盍簪萬里塵沙辭
塞北一尊風雨憶江南還家但說 君恩重飲水
從知官味諳惆悵征帆阻携手溪山何日共幽探

題魯秋嗟太史鏡湖課耕圖

珥筆金門侍從臣偶于十畝寄閑身課晴量雨尋
常事莫便隨人作隱淪

柯亭梅墅鄭公涇萬壑千品列畫屏如此家山堪
穩臥一犁春雨麥苗青

小住蓬萊近二年歸來物外更翛然荷鋤人在丹

蘭藻堂集 卷五
青裏指說科名是力田

集桂堂為恒上人四十壽得真韻

四十年来悟夙因烟霞詩骨水雲身山中修竹添
新臘江上梅花近早春佛國韶華應不老故人池
館淨無塵重来我是東林客咲指陶家漉酒巾

蘭藻堂集卷五終

蘭藻堂集卷六 越吟續刻

壑畝舒 瞻雲亭氏撰

崇安之行不果賦寄恒上人

陳迹依然滄海濱茫茫未敢說知津幔亭已負谿

山約幔亭峰為武夷山水最佳處蘭渚仍為觴咏人乍展除書

堪失笑無多公案又翻新一官空結勞生念試向

菩提問宿因

感事

屈指詩人欲斷魂舊游零落隔都門雷溪歿後石

問死只有眉山一老存

鏡湖耀歌

蘭渚橋邊採白蘋東風無教盪舟人越山也學西
家髻梳掠烟雲日日新

纔見青青滿水田黃鶯啼處弄晴烟柳姑腐口柳
飛絮不送征鞍送酒船

田莊船小畫龍頭隊隊明粧曉出游試譜越州風
土記水嬉三月勝湖州

寒食清明上塚還桃花開後兩斑斑阿儂只愛駕

央石莫問郎心似隻山

越酒新篘倒玉缸布帘斜映小紅窗手中更買陶
家扇添畫鴛央六百雙

來販湖中五月涼風流直壓陸龜堂商量不負月
明處和尚槁邊道士庄

三十六源湖水明刺船罨岬菰蒲聲妙語曾聞王
逸少於今真在鏡中行

淺渚浮槁曲曲通誰家樓閣映玲瓏咲他元九誇
州宅不為名山入剡中

三江閘口列星排滾滾潮聲地軸推太守祠前喧
社鼓大家親賽水龍回

一峰斧劈架僧廬岩戶玲瓏畫不如日午停梳弄
春水亂拋香飯施游魚

試看遺廡賀家湖得似東都太守無滿眼烟波三
百里芋區衣稜盡魚租

取箭仙禽渺碧空山前猶見負薪翁我來買得烏
篷艇欲驗樵風涇上風

曹娥廟樂歌三章 并序

曹娥自漢元嘉元年上虞長度尚命弟子
邯鄲淳作為碑文貞孝之迹始彰由漢以
來代著靈異載在祀典元楊廉夫嘗撰長
歌以序其事而樂神之曲缺焉爰取古人
迎神送神之遺作樂歌三章俾民歲時歌
之以祠孝娥其詞曰

靈之來兮洪波昏靄夕景兮沉祠門導雲輶兮靈
旗翻恍玉貌兮珮珊珊痛父屍兮淵齋哀孝女兮
貞魂昭盼蠻兮芳蓀永報祀兮勿讓心屏營兮肅

明禋霽格思兮福吾民

靈之留兮揚葆羽續晡暖兮卷零雨檜陰陰兮翳
堂宇瓊筵陳兮襟矩救尊進酒兮簋盛黍女巫歌
兮奏簫鼓羌難得兮更覩縷休明德兮弁終古伊
誰侍兮寔朱女霽醉止兮樂無所

靈之去兮將安歸望宵冥兮飈烟馳駕華駟兮從
文螭翩然而逝兮不可期空亭颯兮風披帷波渺
渺兮山鬢鬢徧于越兮邀神釐更千禩兮莫吾欺
霽遄逝兮民聿思

冬青引

冬青花在何處年年開落因風雨漢家不見奉香
人無復魚燈照黃土天章寺中翠墨枯六陵莽莽
空烟蕪冬青花何歲蕤杜宇啼麥飯時

岳少保廟

再拜瞻遺像英魂儼在茲湖山明社火風雨護靈
旗大節乾坤在精誠草木知墓門斜照裏秋色總
淒其

秋夜蕭然舟中

蘭溪堂集 卷六
秋夜寂如水繁星明在天兩行官道柳百里上江
船風景關河晚行箴魚鳥憐蕭騷不成寐花炮一
燈前

漫興

花滿閒階月滿庭夜深惆悵倚銀屏人間好夢難
長得一到陽臺不願醒

臨浦

一徑通臨浦籃輿度晚涼村深門巷古風細稻花
香四野紛秋色千山半夕陽應輸扶杖叟深處築

谿堂

寄竹田

悵望秋空一雁無故人眠食近何如鯉魚風裏孤
舟便好為青山慰索居

宿萬善寺

借榻來蕭寺偏多世外緣塵埃隔丈室鐘鼓靜諸
天月色侵衣上秋聲到枕邊西風吹短髻旅夢又
經年

張氏山莊

別業青山外
勞人暫息肩
涼生微雨後
月出斷雲邊
晚飯炊香稻
新茶煮石泉
烟村風物好
珍重早秋天

題採藥圖

高寄真清曠
翛然世慮稀
獨尋青嶂去
為采紫芝歸
澗水吟天籟
松雲護道衣
披圖想高躅
相對可忘機

寓園

祁忠敏公別業公畫節於此

越城西南廿餘里
中有寓山拔地起
依山為園結

構牢更鑿方池
引流水芙蓉渡頭
花正開試鶯館
外柳初栽河嶼
梅坡觀未足別
築孤峰玉女臺
主人許國心無
二視此林泉如
暫寄乍辭定策
得歸來却患高
名難遠避山川
如畫紛縈紆人
生一世還斯須
肯為興朝備顧
問便從此地長
捐軀朝市已看
更旦暮園亭莫
漫悲狐兔至今
柳陌淺水邊時
有英靈自來去

懷蔣用安

秋月明如此
美人天一方
相思不相見
雲樹兩蒼蒼

茫

陸放翁墓

墓門猶傍鏡湖烟
短碣沉霾五百年
身後尚留團扇影
花時合署海棠顛
杜陵配食應無忝
玉局心期許共傳
狂煞冷泉亭上酒
松風萬谷和詩篇

天章寺

古刹天章蹟可徵
冬青無處問殘僧
傷心更上峯頭望
蔓艸荒烟守六陵

記得

記得盈盈歲三星
在戶時荷花香拂檻
桐葉綠交枝
鈿盒欣初贈
銀釭喜暗吹
題名苔石小
擁髻畫簾垂
體弱非關瘦
神態豈是癡
三年從燕婉
千里共追隨
越水看金鏡
燕山種玉芝
春寒多刺骨
病態遂難支
夢逐東風斷
愁添宿艸滋
有人頻悵望
無路寄相思
戔短吟難盡
情多不自知
傷心見新月
天際想蛾眉

徐文長故宅青藤天池在焉詩以弔之

迢迢稽山東
言尋幽人宅
陵谷雖已遷
里巷有陳

蹟老屋傍蔽祠修竹剝題壁旁為土穀祠有三間
 黃篔簹樓翠黛呈畫格盤盤古藤樹春池相映碧瓊
 玲垂繁花吹香入吟席一賦白鹿篇九重為動色
 幕府終沉淪幽囹空嘆息斯人洵奇士經世恐無
 術何如麋鹿群來徃便野屐鸚鵡竟累身虎頭自
 癡絕異代懷清風秋光滿岩石

越王崢

黃葉蕭蕭徑路長登臨客意自蒼茫危峰忽逐林
 猿上陰殿虛含海霧涼梵唄有時傳下界山川終

古院斜陽霸圖劫後知何處剩與閑僧作道場

懷周雪舫

春來一握手又是半年強好友如星散離愁与日
 長暮烟迷禹穴明月照瀟湘賸有扁舟約江湖未
 肯忘

西施廟

遺廟荒涼楚岫濱當年羅綺已成塵江山半是亾
 吳恨姐豆今歸霸越人一舸鷓夷尋舊約五湖烟
 水樂閒身英雄老去蛾眉死獨對西風一愴神

山陰道中

入山深自好况復是秋山空翠畫屏上涼陰野水
灣樸漁皆比舍雞犬異人間但與孤雲約閑身共
往還

壽杲樹上人

化人樓閣傍湖邊物外蕭閒不記年千佛正逢賢
劫日九秋渾似散花天粥魚茶板心常寂仙露明
珠意自圓舊是鏡空堂上客紫衣曾惹御爐烟

搥練詞

搥練復搥練憔悴當時面征人去不歸遠夢難相
見涼生薄羅衣香冷黃金釧明月在天涯秋風吹
團扇

將至諸暨

崎嶇一百里隔宿路初經江湧孤城白山連八縣
青斷雲橫遠塔斜日下寒汀向晚西風起秋聲客
裏聽

大雄寺

大雄寺近長山嶺翠微深鎖招提境當時建自赤

烏年斷碧殘金猶耿耿先照樓空剩夕陽銅佛殿
古留清景可憐踪跡半銷磨苔痕青滿琉璃井欄
杆寂莫點霜華素練一泓清人影我來八月正秋
中滿院桂花風露冷漫將遺事問前朝且對閑僧
啜茗茗平生微尚在烟霞痼疾難醫思結瘦何時
得遂住山心五夜聞鐘發深省

夜雨

已客重為客逢秋倍感秋鄉心一夜雨獨枕五更
愁燈火分蕭寺鐘聲出縣樓故園千里外夢繞白

雲浮

街亭道中

苧蘿江外路荒浦繞平沙蕎麥初分隴茱萸細作
花行從秋色裏問徧野人家斜日催歸騎前林噪
晚鴉

得家信

報道家書至開緘動遠愁思鄉長有淚作客况逢
秋菽水白雲舍埵篋花萼樓迢迢千里別愁絕少
年游

舟中晚歸

百里清溪畔延緣一艇還月空三面水雲淨四圍
山詩思秋偏淡塵勞晚暫閑菱歌何處發亦覺助
吟顏

望介庵上人信不至

竟作三秋別天涯望斷鴻故人雲樹外音問有無
中月冷千聲梵花開一畝宮東林思惠遠寥落對
西風

旅懷

秋山萬仞青秋水一江白落日在天涯西風吹獨
客遙遙千古心俯仰空晨夕

為董浦太史悼亡

粉冷香銷閉綺窗玉釵零落不成雙春風記得歸
舟路桃葉桃根並渡江

工愁善病宦憐君夢裏啼鶻不忍聞彷彿舊時蘓
玉局自將詩句哭朝雲

日上簾櫳樹影斜生憎鸚鵡喚琵琶年來我亦多
春恨曾向東風惜落花

尖山晚行

仄徑繞山根攀躋日又昏
霜明烏桕樹雲暗薜蘿
村漸覺行人少時聞歸鳥喧
欲尋投足地燈火叩柴門

月夜

桂花香冷露華新
小院秋風伴客身
料得今宵明月底
家人團坐說行人

戒珠寺

秋晚招提風物閑
參差翠黛枕溪灣
平生愛誦龜

齡句題扇橋邊踏月還

三江口

路轉三江口青山面面分
斷橋橫野渡衰草亂荒
墳暮雨征帆暗秋風落葉聞
匆匆行色裏空羨鷺鷗羣

僧舍中秋

僧房寂莫謝紛華
滿院秋香冷桂花
風料峭時偏抱病
月團圓夜却離家
一龕佛火松窓暗
八尺繩床布被斜
賴有微吟堪寄興
半生消遣是愁涯

葛仙丹井

尋真來過竹林邊
丹竈人還指葛仙
太息長松今物化
問誰能護此山泉

浣紗石

一片浣紗石猶留
西子名行人經過處
憑吊有餘情
木落秋風晚烟銷
野水清淒涼
迢吳恨寒浪一江鳴

張南漪孝廉將塋詩以哭之

自從別夢斷江雲
夜夜哀猿不忍聞
白馬素車應

愧我西風落木倍思君
名山未了千秋業
曠野新添三尺墳
遙望故人窀穸處
一杯和淚奠斜曛

歸途

十日江城住西風
又送歸青山尋舊路
細雨濕征衣
幾樹楓林晚
千畦豆莢肥
登高遙極目
時有一鴻飛

祝竹田五十初度

秋風天外耀長庚
八月湖山景最清
老去喜君詩律細
別來憐我酒杯生
知非漫憶當年事
望遠偏

多此日情寄語故人應自壽萱花無恙桂花榮

渡錢塘江

八月之江岸行人問渡初雲深迷雉堞沙漲便牛
車落日潮聲急西風雁影踈蕭條秋色裏吟望一
躊躇

瓶花齋夜集同竹田謝山作

相於成契濶樂事久因循一別過長夏重來又小

春

邵子以八
月為小春

西風吹客鬢涼雨洗征塵共剪深宵

燭清談比晉人

早行

殘月尚在樹荒村雞亂鳴行人踏早霜冷逼鬚眉
清秋風吹短袂忽感晚歲情豈不念鄉井雲樹千
里橫豈不懷晏安溫飽非所營束髮事詩書結念
在蓬瀛中年竊寸廩一官淹江城肩輿共手版塵
鞅促宵征舉頭見山影曳履聞水聲迷濛烟霧間
曉色難分明羨彼田家流高眠掩柴荆乃知勞佚
殊動息難相并徘徊復徘徊東方日將升

聽蕉圖為施石泉題

滿庭風雨亂秋聲一卷殘書對短檠舊是綠天庵
裏客倚窗無夢到天明

摩詰前身是畫師雪蕉譜入輞川詩何如老衲叅
公案寫到秋宵聽雨時

雨中謝山招集篁庵同江聲丈設林堇浦容

安甌亭竹田分韻

簌篁淅瀝散秋聲古寺門開鶴徑清杯酒偶然成
小集咲談真可慰平生新詩但有烟霞想舊雨都
無簪組情紅葉黃花期不遠登高天氣待初晴

為陳長卿題客燕圖

社燕爾何意孤飛傍畫欄多情石才叔辛苦憶長
安

已斷紅樓夢猶尋故壘泥年年春雨裏惆悵賦單
栖

秋分日作

秋色平分日西風次第吹物華猶未改人事已先
知向菊摧蘭候迎鴻送燕時異鄉游子夢迢遞數
歸期

南唐書卷六
五
秋雨初晴載酒桂堂池上同人分韻

苔痕漠漠掩松關載酒追尋又此間無事寂宜排
日飲浮生能得幾回閑踈簾香散秋深桂曲沼青
涵雨後山明發扁舟江上路西風回首悵塵顏

九月初八日東渡

又問西興渡扁舟秋色深馳驅中歲事節物旅人
心遠浦明烟戍寒沙卧水禽黃花明日酒誰與共
清吟

有感

荒艸垂楊冷殞宮天涯殘夢斷西風傷心十五年
前事盡在蕭蕭暮雨中

壽江聲先生

色養當年事飄然賦遂初青山鄉夢穩白髮官情
踈并少千頭橘仍安五畝居樽前數朋舊還徃滿
樵漁

欲續千秋業山經手自編老多懷古意閒有著書
緣丹桂紛庭砌靈椿閱歲年五湖秋色裏爭羨地
行仙

自錢清渡江

秋來古郡物色閑又乘輕舸耶溪灣一遠一近沙
際鳥忽淡忽濃雨後山西興潮落海天濶東浦霜
清木葉斑吏人咲我屢搖膝苦吟未就思逾慳

楓橋道中

秋色如圖畫官程促往還人家流水外樵徑亂雲
間幾簇丹青樹千重紫翠山偶然成小住吟眺儘
幽閑

過浣江

浣紗人去已千秋寂寞空江日夜流七十二湖風
景好教儂何處着扁舟

再至諸暨

再問楓橋路西風木葉凋歲荒增米價秋晚落江
潮倦鳥投林急孤雲出岫遙僧房分短榻燈火伴
深宵

暨陽紀事

歲歉籌民事馳驅肯暫停澤星中夜望靈雨幾時
零索米嗟非易籌荒愧未經關心問二麥喜見隴

頭青

詔可中丞奏 新恩下九天按圖寬則壤計口授
金錢飽食非艱食無年似有年平疇遙望處部屋
起炊烟

秋夜不寐

又下僧寮榻虛窗佛火明百虫喧落葉一雨入寒
更竟夕不成寐何人知此情圓蒲與智杖終擬學
無生

重陽

題糕有句興空賒秋雨秋風冷歲華獨客江城逢
九日一年心事負黃花籬邊漉酒思元亮塵外登
高憶孟嘉惆悵陶朱山下路五湖烟水欲浮槎

重九後一日大雄寺作

已過重陽節黃花奈老何秋從今日晚感比去年
多客夢依僧舍鄉心滿磻阿微官慚短髻光景惜
蹉跎

題陳中丞元倩先生殉節彙鈔

明室既凌夷寇氛之征討洛陽天下中五郡不自

南漢書卷六
保中丞戡亂才封章願除掃朝廷壅蔽深土寨抒
誠早鼎湖悲龍升三軍皆素縞忠義聞江南經綸
資再造權奸利灾危嫉賢若管州會稽雖可柄貞
符歸 有道孤臣矢靡他渡節沉清沼神州已陸
沉湘水明幽抱許遠無昌黎偉績疇摘藻詳哉家
乘言榮名以為寶

登卧龍山

卧龍何蜿蜒空亭壓山脊不惜登頓勞公餘理輕
策蕭雲散秋空萬里赴只尺南瞻湖山窮北望江

海圻緬自隋唐來高會盛主客東齋與西園同付
一丘貉人生貴適意當着幾緗屐千古牛山哀揮
淚復何益不如飲美酒沉酣泯物役長嘯下層岡
城頭涼月白

青藤詩鏡湖八百里何長中有荷花分外香
今居民多種菰蒲無復曩時風景矣戲作
絕句

荷花開滿越溪濱六月爭看雲錦新近日鴛央零
落盡秋來還見采蓮人

過小有天園東汪穗英

門前湖影亂飛鷗一徑藤陰翠四周閒客招携能
載酒名山風景却逢秋天書共仰雲霞麗精舍
重開洞壑幽亦擬從君三日住黃妃塔下繫輕舟
偶占

太空本無雲雲自空中起雲散歸何方碧天淡如
水

秋江晚泊

晚泊秋江岸荒汀暮雨寒棲遲悲遠道落拓咲微

官客枕驚秋夢舟人語夜闌明朝應早發風水兩
平安

書懷

官身直似打色僧徧歷荒郊并野塍此日生涯慙
五斗曩時姓氏忝三升閑情空憶陶元亮秋興全
輸杜少陵賸欲故山尋舊隱一林黃葉讀書燈

姚江小寓贈主人

借榻逢賢主門開古巷幽官身容散漫閒處小勾
留斜月半簾水踈花一徑秋幾多吟嘯意渾欲失

蘭藻堂集 卷六
鄉愁

喜晤萬復古

辛酉歲曾相晤于京師葛洪庵已逾十載不復相識因誦予之

舊句方能記憶前事因成長句

塵埃每悔識君遲雲散風流繫夢思握手忽從千

里外回頭已是十年期交游京洛人誰在百孝廬揆已下

矣潦倒江湖鬢欲絲溫飽登臨俱未得不堪重憶

舊時詩予舊句性愛登臨同謝傳志存溫飽愧王曾

曉渡錢塘

往返西興渡勞勞咲轉蓬寒消新雪後春動亂波

中曉日濛濛霧空江面面風海門遙拍處縹緲見
孤鴻

冬日感懷

又見梅花放匆匆逼歲除江山殘雪裏節序小寒
初竊祿慚升斗懷歸畏簡書三年京國夢迢遞更
何如

蘭藻堂集卷六終

